

**Sud Bosne i Hercegovine**  
**Суд Босне и Херцеговине**

**Broj: S1 3 IŽ 030886 18 IŽ**  
**Sarajevo, 30.10.2018. godine**

**IZVORNİK**

Sud Bosne i Hercegovine u Sarajevu, u apelacionom vijeću sastavljenom od sudija Zvezdane Antonović, kao predsjednika vijeća, dr Branka Morait i Mirsade Džindo, kao članova vijeća, odlučujući o žalbi Nezavisni blok i Prva stranka izjavljenoj protiv Odluke Centralne izborne komisije Bosne i Hercegovine, broj: 05-1-07-1-551/18 od 25.10.2018. godine, radi povrede pravila izbornog procesa, u nejavnoj sjednici, održanoj dana 30.10.2018. godine, donio je

**R J E Š E N J E**

**Žalba se odbija.**

**O b r a z l o Ź e n j e**

Odlukom Centralne izborne komisije Bosne i Hercegovine, broj i datum gornji, odbijen je kao neosnovan zahtjev žalitelja za ponovno brojanje glasačkih listića na biračkim mjestima 167A002, 167A004, 167A003, 167A005, 167A007, 167A008, 167A009, 167A011, 167A012, 167A014, 167A015, 167A016, 167A027, 167A024, 167A029, 167A022, 167A030, 167A032, 167A026, 167A027 i 167A013 u osnovnoj izbornoj jedinici Goražde, za Skupštinu kantona 5 za politički subjekt Nezavisni blok i Prva stranka i kandidate tog političkog subjekta.

U žalbi žalitelj navodi da je razlog traženja ponovnog brojanja glasova su nepravilnosti koje su se desile na biračkim mjestima, pobliže označenim u ospornoj Odluci, prilikom postupka brojanje glasova, čime je prekršen član 5.23 stav (3) Izbornog zakona BiH. Dalje navodi, da birački obori nisu utvrdili stvarno stanje važećih glasova dodijeljenih političkoj stranci Nezavisni blok i koaliciji Prva stranka tj. njihovim kandidatima, te da su suprotno odredbama člana 5.25 stav (3) Izbornog zakona BiH unijeli pogrešene podatke o izbrojanim glasovima u obrasce o glasanju. Uočene nepravilnosti, su kako dodaje, utvrdili kroz razgovor sa posmatračima na biračkim mjestima te osobama koje su glasale na navedenim mjestima.

U odgovoru na žalbu Centralna izborna komisija BiH je predložila da se žalba odbije kao neosnovana.

Nakon što je ispitalo osporenu odluku u granicama žalbenih razloga, vijeće Apelacionog odjeljenja Suda Bosne i Hercegovine je zaključilo:

Žalba nije osnovana.

Centralna izborna komisija BiH je, prema stanju u spisu predmeta, postupala u ovom slučaju na zakonit i pravilan način, jer je pravilno utvrdila i ocijenila činjenično stanje i donijela pravilnu i zakonitu odluku. Prije svega, ispitujući navode iz žaliteljevog zahtjeva, Centralna izborna komisija BiH je prije svega izvršila uvid u Zapisnike o radu biračkog odbora sa navedenih biračkih mjesta i utvrdila da u obrascu Z6 (obrazac predviđen za unošenje primjedbi i mišljenja člana biračkog odbora, birača i akreditiranog posmatarača) nisu evidentirane nikakve mišljenja ili primjedbe od člana biračkog odbora, birača ili akreditiranog posmatarača koje se odnose na brojanje glasačkih listića, niti na unošenje rezultata glasanja u obrasce, koje bi mogle uticati na rezultate izbora. Po zaključku ovog apelacionog vijeća, pravilan je zaključak Centralne izborne komisije BiH da navod podnosioca žalbe, „da su uočene nepravilnosti utvrdili kroz razgovor sa posmatračima na biračkim mjestima te osobama koje su glasale na navedenim mjestima, kao relevantan dokaz, koji bi opravdao ponovno brojanje glasačkih listića, odnosno za dokazivanje konkretne činjenice, za koju bi se izvršila provjera.

Iz navedenih razloga apelaciono upravno vijeće Apelacionog odjeljenja Suda Bosne i Hercegovine, nalazi da je pobijani Odluka Centralne izborne komisije Bosne i Hercegovine pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“ br. 19/02 do 74/10) valjalo odbiti.

**Predsjednik vijeća  
Sudija**

**Zvezdana Antonović**